

CXIX 240

Leignadier

2866 bis

70

Lei
Pouetas Benjato
pichot pouemo
(par Leignadier)

L.


L. L.

1839.

L. 285
6

Res C XIX 340

Blavy



LES

POUËTOS BËNJHATS,

Pichot Pouëmo

PÉR RIRÉ,

ËN DOUS GANTS.

1839.

1830

1830

POETOS BENHATS.


Dicht' Poemas

PER NITR

EN DOS PARTES.



1830.





LES POUBÈRES

BÉNJHATS.



PRÉMIÉ CANT.



ENFIN, sul pè-d'estal, tout perbourcat d'éran,
Bézèn luzi Riquet, dé Béziès nobl'éfan!
Musò ! pèr l'y quilla, canto lés tripoutatjhés,
Qé fan, déspeï quatr'ans, dé pichots persounatjhés ;
Digos-nous lé fin mot d'él lyriqé *councours*,
É dé nostrés aoütous lés différéns discours !



Din soun traouë ignourat, un pédagogo ibrougno,
Pér pupla soun école, é fa brillà sa trougno,
Proupousèt, un bèl jhour, à d'aoütés éstafiès,
Capélas, aboucats, noblés é roturiès,
Dé sé créa sabans, sans un brin dé génio ;
D'aqi nasqèt lé CLUB DÉ LA CACALOGIO.

A l'unanimitat noumèroun présidén
Un cuistré parbéngut, ladré, fat, sufisén,
Soutisiè pèr éstat, insoulén pèr naturo,
Flat, groussiè, tribial, én tout caricaturo ;
Dé soutiso én soutiso a gagnat al Palaïs
Lé titré méritat d'èstré lé Rey d'Az . . . Aïs.



Pèr èstré présidén séguèt paï méns paillasso ;
Dioü sap sé sé coufflèt d'abeiré aqélo plasso !
Al rébut coundannat, é las dé pas rés èstré,
Ruèt coumo un chabal éscapat d'al campèstré ;
Sé créguèt Appoulloun sul Parnasso adourat,
É déspeï l'animal crèbo dé banitat.



A l'illustré troupèl, q'ambé sa carabéno,
Él, chef, coumo dé piochs, dé téns én téns prouméno,
Proubèt dins un discours, én sé batén lei flans,
Sans saoiüpré rés dé tout, q'èroun toutés sabans.
Pèr Archéologa, parèls à lai sarnaïos,
Lés béhjèroun grimpa sus todos lai muraïos.

Mès cadun a sous èls , é lous paoürés foutrals ,
 An bèl , dé bas én naoü , réluca lés oustals ,
 N'y hésoun qué dé foc ; atabé , per d'antiqos ,
 Las fennos d'él Cap-Noü l'y héndoun sas réliqos ;
 Fan d'un bièl saligné *lé Cascou dé César* ,
 É pér uno médaïo y broucantoun un liar.



Pèi , sur dibèrs sujhèts , cadun cèrco sa glosa ,
 É dins un *bulétin* bol dépaouïsa sa proso.
 Aqi , coumo pèrtout , lé saban présidén ,
 Proufesso éloqamén lé poudé dé l'arjhén ,
 É proba , én sé basén sur soun expériénso ,
 Qué tout lé genré humèn fa trafic dé counsiénso. (1)



« Aqélos bilagnès nous faran pas un noun , »
 Diguèt al coumitat un cèrtèn *Dom Héroun* ,
 Dé toutis lé pus drollé é lé pus agréablé ,
 Grimaciè , batélur , un paou fat , presqu'aimablé.
 « Laïssén l'antiqitat é tout soun arcénal ;
 « Pér qué sabèn pas rés cal faïré dé baral.

(1) Bulletin, 3^me livraison, page 125, ligne 17.

» S'un Cors Saban dourmis , adiou ! lé son lé tuo.
« Pér èstré paï foundus , foundén uno statuo ;
« Despèi lounténs , RIQUET, créatou d'él canal ,
« Espèro un tal ounou dé soun païs maïral.
« Paguén aqél tribut à sa glorio immourtèlo ,
« La Franço tout entièiro enténdra nostré zèlo. »



L'Assemblado rabido , approbo soun proujhèt ;
Mès lé chef resto mut , é peï , d'un aïré enquièt :
« Dé RIQUET oc ou nou q'ounourén la mémorio
« Aco m'ès fort égal , *mé fouti dé sa glorio* ;
« Qé fèrmé soun canal , peï q'abèn la hapou ,
« La barco fa piétat , à coustat dél vagou. »



« És pas questioü d'aco , réspon l'aoütre counfraïré.
« Sabès pas dé moun plan tout cé qé sé pot faire.
« Lé gran omé és pas pus , mès laïssô d'héritiès
« Qé pourran , qalqé jhour , nous coubri dé laouïriès ;
« Ya dé Contés , dé Dux , dé Seignous é dé Princés :
« Sus tout aqélos gèns nous cal fourra laï pincés. »

« Ritché é gran ! dis lé chef , bibo dounc Caraman !

« *Béleoü né tiraräi qalqé tros dé ruban.*

« Din lé fèt Pol RIQUET és éstat un jhénio ,

« É pér nostré proufit cal fa soun éfigio.

« Rébén toujhour qicon dé caressa lés grans ;

« So qué faraï pér él sérbira més éfans. »



Aïço sé diguèt bas , à par , é dins él mèmés ,

Mès soun zélo , déspeï és anat as extrémés.

Sas pènsados , sous fètchs , sa plumo é soun giselét ,

N'an pas jhamai agut d'aoütré oubjhèt qué RIQUET.

RIQUET és débéngut sa passioü , soun idolo ;

Ount és soun intérès , aqi ha sa boussolo.



La bésasso sul col , pér qista dé dignès ,

L'abèn hist arpéna din toutés lés qartiès ;

Peï aguèt lé toupét d'adresa dé messatjhés ,

As sabans rénoumats , as pus grands persounatjhés ,

Jusqos à Lord Brougham , qué lé léjigait pas ,

É millo aoütrés après q'y rigairoun al nas.

Jalous dé flagourna sa noblo descéndénso ,
 Nous mostro , q'à Béziès , RIQUET a prés naïssénso ,
 É , sus un oustalét , ount, n'a jhamai tétat ,
 Griffounèjho soun noun dins un marbré ésquichat.
 Aïci-tal lé flatur fasquèt béiré soun zèlo ,
 Touqèt la ma d'él Duc é birèt la cérbèlo.



Cad' an , al més dé maï , lé coumitat saban ,
 Lé présidén al cap , dins un cèrcle brillan ,
 Débito platomén las mèmés rapsodios ,
 Léjhidos à pu-près coumo dé litanios.
 Alaro , m'an après qué tout aqélés fatchs ,
 Dins un cèrtèn tableoü soun éstats bén pintratchs.



Él tout éndiménjhat , parèl à la girafo ,
 Sé paouïso én ouratur , é, coum' un télégrafo ,
 Dés brassés é d'él cap , fa maï dé moubomén
 Qué cinqanto moulis éxcitatchs pér lou ben ;
 Débito un paraoüli coumu , mal mastégat ,
 Ridicullé , plasén é digné dé piétat.

Lé fat sé créi tabla de la noblo famia ,
 Qé, qand la mort y truco , y ba fa Jérémia.
 La doulou sus lou froun , é la légrumo à l'èl ,
 Ramasso , piétadous, soun doucillé troupèl ,
 Saint-Nazary sourtis sa lugubro flassado ,
 É d'un fals dol , aqi , cadun bèn fa parado. (1)



An aqélo oucasiöü, nostré habillé éstafiè,
 Bol floua lé ritou q'és roumput al méstiè.
 Mès cal és lé capot ? és bé lé *Cagalogo*.
 Malgré sa rhétoriquo é soun bèl dialogo.
 Ambé las santos géns ana marcandéjha
 És boulé d'un fangas sourti sans s'énbéscà.



Mès pér èstré puléoü al bout dé ma carriëiro ,
 Suprimé lé paoüsa dé la premiëiro pèiro ,
 Dél més dé maï d'après lé councours é laï flous ,
 Lous bèrsés , les laouïriès , les prèsés , les aoütous ;
 Ma Muso és énpatiénto é m'appello à la fèsto ,
 Tant aqél bèl sujhet y troto din la tèsto.

(1) Service du Marquis.



SÉGOUN CANT.



LÉ brouzé à flots bouyéns d'élournèl éscapat,
A réprouduit RIQUET l'ounou dé la citat.
Pér l'impatrounisa lé pé-d'éstal s'aprèsto ;
Mès lé paouéré injhignur n'apas la lèbo lèsto.
Cada marbré à plassa l'y costo milé éfors,
É lé busté, à soun tour, uso sés bièls réssors.



Lé jhour és arréstat, é déjhà léi gazétos,
D'aqésté atjhé curious agréablos troumpétos,
An istruit l'unibèrs é milanto païs,
E d'un noubèl *counours* an anounsat lé pris.
L'impatiénso és un mal pus prusén qé la galo;
Lé téns, qan on languis, bolo pas qé d'uno alo.

Pourtan és pas trop loun, pérqé léi coumissioüs
Piosqoun fairé à cadun toutos imbitatioüs
As Princés, as Ségnous, Poètos, Dux, Abésqés,
Préfètchs é Maréchals, Artistés, Archébesqés,
Magistrachs é sabans, afin q'aqélos géns
Admiroun dé Béziès léis grans omés d'él téns.



Mès acos pas lé tout. Pér certèns persounatjhés,
Faoü saouïpré, én courtesan, ousèrba léis usatjhés.
A l'un uno bisito, à l'aoütré un billét dous,
E pér lés pus upatchs, dé grans ambassadous.
Tabé, pér Maréchal pla caösits din la troupo,
Quatré dés matadors partiguérroun én croupo.



Din lé saloun daoürat d'aqél chéf dé guériès
Mé sémblo béiré intra nostrés abanturiés.
Lé Présidén, pérqat sus sa doublo cliqéto,
Fa jouga dé Pantèn lé moubillé esqéléto,
Tapla qé siosqo ardit, trobo pas un soul mot,
Lé régar d'un gran omé étabouzis un sot.

Lé pichot Trésouriè, foutriqét dé naturo ,
 D'él gran Napoléoun sé créi la mignaturo.
 Contro la Libèrtat, bol un jhour , sé cabra ;
 La Libèrtat bufèt, é lé faspèt toumba.
 Déspei, biro à tout bén , é lé paoüré maïnatjhé
 Passo én fatuitat Julièn é Duribatjhé.



Leis aoütrés dous sujhèts counplètoun lé tabléoü :
 L'un és fat , é pèrtout bol moustra soun museoü.
 Seï rococos amours én rococos capricés ,
 Sus dé gibie bénat apèlo s'eï délicés ;
 Sé créi un grand aoütou , qan soun stylé félat
 Impourtuno un journal d'un articlé ignourat.



L'aoütré , gros é traput , éfan dé la riboto ,
 Dè sé moustra pèr tout a tabé la maroto.
 Séi dioüs é séi drapèoüs ba pla tout rénégat ,
 Mès débèn lé loua , car és d'él boun coustat..
 Pourtan , péi q'un Marquis l'a téngut én batèmo ,
 D'un gran républiqèn déoürio qita l'émbèmo

A tals ambassadous lé guerrié dis : « Merci , »
« Aoürés , dis lé ménut , l'hôtel Montmorenci , »
E fa maï dé saluchs q'un pijhou qé roucoulo.
« La plasso d'un souldat , dis l'aoütré , és dins la foulo.
« D'ounous , dé counpliméns aïmé paou l'apparèl ,
« È sé débïo béni , séguirio lé *Camèl* ».



O superbé afriqèn ! salut a ta mémouèro ,
Ta carcasso péris , mès jhamäi ta *machouèro*.
Dé l'anfiqo Béziès palladioum sacrat ,
D'illustréz amatous t'an dé nouü réjuntat ,
È faoüto dé *Musé* , établitjs jhoust ta bosso ,
Fan quaka ta *ganacho* , é cadun dis : *sèn fosso*.



Lé jhour dé fèsto arribo , é qatr' ésclafidous ,
Imitoun dins lous airs , lé fouèt dés poustious.
Doucillé à *papari* , lé boussut , pér la bilo ,
Précèdo lei sabans alignas à la filo.
Lé présidèn doubris lé counours anounsat ,
Dins un moundé brillan , mès un paou trop qicha-

Bous-aouïs qé jujhats tout sus la soulo aparénso,
Crèsès nostré falot coumoul dé jouissénso.
Éh-bé ! destroumpas-bous. Jusqos al foun d'él cor,
Un hermé lé rousigo é l'y douno la mor.
A bé dounat al séouï la premièïro courouno;
Mès crégnis lé public, maï lé dé Carcassouno.



Lé chéf-d'obro attendut és à la fi léjhit,
Fréjhomén éscoutat, é pas brico aplaouïdit.
Mès lé *Coufur* parés, é léjhis én persouno.
Cado bèrs és sublimé, é cado mot éstouno.
Uno flamo soudèno électriso léïs sèns,
L'enthousiasmé esclato én lons réstountimèns.



Merci jutjhé esclàirat, toujhour dréeh, toujhour justé,
Arbitré soubérèn, incorruptiblè, augusté,
O public ! és tu soul qé formos l'oupinioü;
Dé toutis lès juris lé téouï és lé mioü.
L'obro q'as aplaouïdit, dé l'abu d'él Parnasso,
S'a pas lé premiè près, tèn la premièïro plasso.

Aïsi lés poulis bèrs, mès alaï la fabou
 Lé païré entr'élés dous és jutjhé amaï aoütou.
 Mèmés, èn bé certèns dé soun jury patracò
 A birat én tout sèns la pièssò toujhour flaco.
 Tabé, d'aoütres jurachs, q'abian pas prés coulou,
 A l'aoütou maltrétat an démandat perdou.



Pér un faqin daoürat al foun dé la Phrygio,
 Atal fousqèt tratat lé dioüs dé l'harmounio.
 Pér coumbattré Midas, él qitèt l'Hélicoun.
 Aqél prén sés pipéoüs, é lé Dioü soun bioüloun.
 Lé pastré aguèt lé prex; mès sus sa chébéluro
 Lé jutjhé ré cassèt uno bèlo coufuro.



Acos bou pér un dioü dé faire un tal présén
 L'aoütou, simplé mourtal, agis différamén.
 A librat al public soun oubratjhé sublimé;
 Soun ribal attarrat és dintrat dins l'abimé.
 Lés bèrsés courounax n'an pas pus bist lé jhour,
 Lé païré é sés amix lés rabotoun toujhour.

Mès suzoun sans succès.... é mai la coutério
 A descassa sa muso émplègo soun jhénio ,
 N'a paï méns, saqéla, lé panèl tout mèrdous.
 L'aoütré, din soun léngatjhé, és toujhour mérbéious.
 Din soun sublimé essor *él mét, coumo Éncélado* ,
Un pé sus cada mar, d'uno soulo cambado (1).



Mès laïssén tout acos , é sus un bièl rampar
 Tout escarabraoügnat d'él pic é d'él pétar ,
 Lioc mousiat dés pores é plé dé moutounaïo ,
 Anguén dé Paul RIQUET descamisa la taïo.
 Parmi sous descéndéns, cadun dins lou moulou ,
 Bol beïré *Phidias*, tant és poulit garsou.



Pus lent , dé *Caritas* lé courtèché s'abanso ,
 É l'amellou sucrat à gran fracas s'élanso.
 Nostré cuistré pèrtout l'escampillo à manachs
 As séoüs, coumo as amix , lé proudigo à plés sacs ;
 Mès qant és libéral , herco pas sa fourtuno ,
 É sabèn q'a péscat al pous dé la Coumuno.

(1) Expression du Poète.

La berco pas tapla qan don'on grand répas,
Èl fa l'èmbitatiöü é jhamai pago pas;
Lé coumitat benét pér èl doubris la pocho.
Mémés , lé bétéran dé la bieillo bazocho,
Sus tout aqélés plats prélèbo lés mioüs ,
È , très jhours , amb'aco sé mostro générous.



Èmboïo dé ramels , magnifiqué anonymo ;
Pouètos dé pèrtout , apounchas bostro rimo :
Un troisièmé *councours* és tourna prouclamat ,
È l'ounèsté Jury tout èsprès és fourmat.
Bènès toutes coumbatr'un tarrible justaïré :
Bous aoüs aoürés l'èsprit , mès èl aoüra soun païré.

FI.

Leignadier. juge de paix auteur



